

dem grossen mächtigen Circkelrunde Buch
der Natur / so nit mit dinten / oder Stylo
geschrieben / sondern mit dem Finger Got-
tes durch Sacrum Uni Trinitatis Signa-
culum, Himmel vnd Erden vnd allen ge-
schöpffen darinnen eingegraben vnd verzeich-
net vns vor augen steht: Welches Buch Ma-
crocosmus genennet wirdt. Zum Andern
An dem kleinẽ Buch / welches mit allen sei-
nen Blettern vnd Stücken auß dem gros-
sen genommen / vnd darnach formirt ist
worden / Welches der Mensch ist / vmb des-
sen willen alles was Gott je geschaffen hat /
da ist / vnd dieses wird Microcosmus genen-
net: Vnd ist der Mensch allein Der / Der
ein Instrument ist des Natürliche Liechts /
das jehrig zuvolbringen / dieselbigen werck
in Künsten vnd Weißheit darzu thun / wie
sie dann Gott im Firmament verordnet
hat. Also hat er auch weiters verordnet /
das der Mensch einen zweyfachen Magne-
ten habe / Einen Nemlich von den Elemen-
ten / darumb zeucht er sie widerumb an sich:
Darnach einen auß dem Gestirn / auß dem
er an sich zeucht die Microcosmische Sün-
ligkeit widerumb vom Gestirn / vnd hat
also die Vernunfft des Menschen einen
Magneten / der in sich zeucht vom Gestirn